



**Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**

**August. Vind. [u.a.], 1764**

**VD18 90118049**

§. 33. Frater Elias iterum exauthoratus.

---

[urn:nbn:de:hbz:466:1-66268](#)

coleret. Papa hoc ei vehementer ex-Sæcul.XIII.  
probravit per litteras 19 Decembris 1239 A.C. 1239.  
datas. *Nihilominus*, ait, *ab anathemate, in*  
*quod incurrisi, te absolvam, dum modo ce-* ap. Ughel.  
*lerrime ad me veneris.* Et id favoris tibi <sup>to. 5. p. 88.</sup> exhibeo in gratiam tuorum nepotum, Be-  
læ Hungarorum Regis & Colomani, eo  
gaudentis fratre. Bertoldus patrem ha-  
buit Moraviæ Ducem, forores autem Ger-  
trudem Hungariæ Reginam, tam Regis  
Belæ IV. quam S. Elisabethæ matrem,  
& S. Hedwigem Poloniæ Reginam.

Equitibus Teutonicis etiam Frideri- XIII. ep. 74.  
ci partes sequentibus Papa minabatur, ap. Rain.  
se omnes ipsorum prærogativas, nisi eum n. 36.  
relinquerent, rescissurum. Ineunte No-  
vembri Anagnia Romam reversus, 18 e-  
jusdem mensis octava S. Martini anathe- Ric. S. Ger.  
ma contra Fridericum confirmavit, ac p. 1033.  
Henricum filium ejus spurium, mense Se-  
ptembri Marchia Anconitana potitum,  
recens proscriptis, eam ad Ecclesiam per-  
tinere afferens.

### §. XXXIII.

#### Frater Elias iterum exauthoratus.

Imperator Fridericus in Hetruria inte- Richard.  
rim commorans Pisis Natalem Christi S. Germ.  
solemnissime celebravit, & in Ecclesia ma- Vita Greg.  
jore sacris interfuit, negligens interdi- ap. Rain.  
ctum Pontificium pronunciatum adver- n. 34.

Sæcul. XIII.  
A.C. 1239.

Vading.  
1236 n. 1.  
2. 3. &c.

Sup. Lib.  
LXXIX.  
§. 63.

suis loca , in quibus ipse versaretur. Ibi eum convenit frater Elias , cui Generalis Fratrum Minorum Ministri munus paulo ante abrogatum fuerat. Sub initium anni 1236. ei rursus erat delatum loco Joannis Parentii, qui partibus fortioribus demissio cessit animo , cum Ordinem sex annis rexisset. Elias semper veterem suam agendi rationem prosequens , per speciem prudentiae remissionem disciplinæ introducere conabatur, paucissimos posse S. Francisci vestigiis insistere affirmans. Numerosas partes, faventesque habebat primarios viros Ecclesiasticos & profanos ob suam in gerendis rebus dexteritatem , morumque ac sermonis elegantiam. Sed strenui disciplinæ cultores ei fortiter se opponebant sequentes Germanum quandam Spirensem, Cæsarrium nomine, hominem doctum ac eximia virtute præditum.

Elias benigne auditis bona verba dedit; adiit vero Papam, dixitque : *Habemus quosdam fratres simplices ac rudes, qui tamen magna in existimatione sunt etiam foris, quia discipuli S. Francisci comites que fuerunt: obstinati suis in sententiis persistent, & velut si Superiorem non haberent, huc illuc euntes, docent praxes singulares ac Ordini noxias. Religione me obstrictum puto, ut rem ad Sanctitatem tuam deferam. Sic præventus Papa Eliæ amplam hos seditiones*

GREG.IX.P. FR II.OC.BALD.CURT.OR IMP.363  
ditiosos coercendi potestatem fecit. Ni- Sæcul.XIII.  
hil is aliud cupierat, & Assisium reversus A.C. 1239.

exagitare cœpit Cæsarianos: ita voca-  
bantur, qui ei obsistebant. Multos in  
exilium, multos in carcerem misit, inter  
alios fratrem Cæsarium manibus pedibus-  
que vincitum. Postea demptæ quidem  
ei sunt catenæ: sed duos annos inte-  
gros 1237 & 1238 inclusus mansit. In-  
eunte anno 1239 carceris fores apertas  
videns, perfrigida tempestate paulisper  
deambulatum exierat, cum eum custos  
suus frater laicus, homo crudelis, fugitu-  
rum ratus, accurrit cum baculo, quo tam  
atrociter ejusdem caput percussit, ut eo-  
dem loco animam efflaret.

Papa re comperta se ab Elia dece-  
ptum sentiens, generalia omnium Mini-  
strorum Provincialium comitia Romæ ce-  
lebranda edixit, quæ secundo Penteco-  
stes die 16 Maji peragebantur. In his  
Papa Eliam iterum loco movit, ac se præ-  
fente alium Generalem Ordinis Mini-  
strum eligi voluit. Electus est Papa con-  
sentiente Albertus Pisanus per Angliam  
Minister Provincialis; sed post mensium  
trium ac dimidii spatium sub Natalem  
Dominæ Nostræ diem e vita cessit. In  
eius locum Festo Sanctorum Omnis die  
suspectus est Haimo Fevershamensis An-  
glus, alter duorum, qui ad Germanum  
Græcum Patriarcham Constantinopoli-  
tanum

**Sæcul. XIII.** tanum missi fuerant. Elias erepto sibi  
**A.C. 1239.** munere adeo excanduit, ut adiret Imperatorem, seque illi addiceret. Ecclesiast.

**Ric. S. Ger.** Romanam velut usuris, sacrilegis  
**p. 1033.** mercatibus & avaritia plenam infamabat.

**Matth. Par.** Dicebat, Papam conari jura Imperii minuere, ac per varias artes pecunias

**p. 465.** congerere, cum deberet preces, supplications publicas, & jejunia adhibere,

ut ab oppressione se liberaret. Accusabat Papam, quod pecunias ad subsidium Terræ sanctæ destinatas huic subducere; quod diplomata secreto ac insciis Cardinalibus in conclavi suo obsignaret; quod Nunciis suis folia pura sigillo munita traderet, ut, quæ vellent, in eis scriberent. De pluribus aliis rebus indignis eundem arguebat: qui proin sacro illum fulmine perculit.

**Abb. Stad.** Interim Ordo Fratrum Minorum insignem fane Tironem obtinuit in Adolpho

**Ch. 1239.** Holsatiæ Comite, qui eorum institutum

Hamburgi die Sabbathi & S. Hippolyto facra 13 Augusti an. 1239 amplexus est, tres ætatis teneræ filios Abelis Daniæ Ducis generi sui tutelæ relinquens. Imperatori Friderico magna cum laude servierat, & provinciam suam feliciter rexerat. Post quinque annos Romam profectus, a Papa gratiam legis impetravit, ut ad omnes sacros Ordinis promoveretur, verisimiliter, quia militiam secutus erat.

Sacer-

**[Id. 1244.]**

Sacerdos expiationibus præfectus litte- Sæcul. XIII.  
ras dabant 22 Aprilis an. 1244. Adolphus A.C. 1239.  
quatuordecim annos in statu Religioso  
transegit.

§. XXXIV.

*Epistola ad Reginam Georgia-  
norum.*

Papa Gregorius ad Russudam Georgia-  
norum Reginam, & ad Davidem ho-  
rum Regem, illius filium, septem Fratres  
Prædicatores misit cum epistola, in qua ap. Rain,  
se excusat, quod expectatum illis exerci- n. 9.  
tum contra Tartaros auxilio non submit-  
tat. *Jussimus enim*, ait, *in Syria Sarace-  
nos, qui nos inter ac vos sunt, deleri :  
& continuum in Italia Hispaniaque bel-  
lum pro fide Christiana gerimus : quibus  
ex causis vobis subveniendo pares haud fui-  
mus.* Et quia subsidii obtinendi gratia  
Princeps illa se velle Romanæ Ecclesiæ  
conjungi significaverat, Papa strenue in-  
sistit necessitati unicam Ecclesiam sub u-  
nico capite congregatam agnoscendi. At  
sæpe repetit, S. Petrum solum fuisse, cui  
Christus suum gregem ducendum ac coe-  
li claves commiserit. *Quæ dum loquimur,*  
addit, *non volumus honorem adimere fra-  
tribus nostris Episcopis, quos S. Petrus &  
successores ejus in partem solicitudinis voca-  
runt : nec dubitamus, quin Dei & sanctæ Se-  
dis*